

دارالفنون

حقوق فائز له فی مجری

صافی : ۶

کانون ثانی ۱۳۳۲

سنة : ۱

قسم حقوقی

« یونان قدیمه حقوق جزائیہ »

یونان قدیم حقوق جزائیہ سندہ عائله اعضاسی بینده تکافل [۱] . — حقوق جزائیہ نیک مبادیسنه طوغری ارجاع نظر ایدیلورسه بلا استثناء طرفده یالکز بر فکر اساسی بولنورکه « فکر انتقام » در ؛ عدالت حقنده کی ایلک طرز تلقی « انتقام » شکلنده تجلی ایدر. انتقام مشروعدر ، چونکه مختل اولان انتظامک اعاده تأسیسی ایچون آندن بشقه چاره سی یوقدر وانتقامک اجرایی ایجاب ایدن شرائط حکم ضرورت ایجابیدر . ایشته شرائط مذکورہ فی میدانہ چیقارمق ، زمان واحوالک تأثیریلہ آنلرک نصل تبدل ایتدیکنی کوسترمک وعقل ایلہ وجدان اخلاقینک ایجاباتی کیتدکجه دها مکمل بر صورتده تطمین ایچون فکر انتقامک نه درلو تحولاته اوغرا دیغنی ارأه ایتک تاریخ علم حقوقک جمله وظائفنددر .

ایشک مبادیسنی ابوجه الکلامق ایچون هر جمعیت ابتدائیہ نیک عنصر اصلیلرینی نظر اعتباره المقل لازم کلور . اشبعناصردن بری « عائله » درکه بطون متعاقبه ایلہ امتداد وکسب جسامت ایدرک کرک قان رابطه سیله وکرک منفعت ایلہ اتحاد ایتیش مهم برکتله تشکیل ایدرک درجهیه واصل اولور. بوجه ایلہ تشکل ایدرک اقتدارینک یوکسک مرتبه سنه

Gustave Glatz, La solidarité de la famille dans le droit criminel en Grèce [۱].

اصل اولان برعائله « وحدت اساسیه » حاله کبرکه بو وحدته روجه génos لاینبجه gens
تسمیه ایدیلور. بواسطه جمعیات عصریهده مشوش بر فکر دن بشقه برشی افاده ایتمز لرسده
ازمنه اولیهده بالفعل بر حقیقی افاده ایتمشلدور .

هرعائله نك على الاكثر اجدادندن برينك اسمندن مقتبس براسمی ، مشترکاً زرع
ایدیلن اراضیسی ، بتون افرادینك برلکده اقامت ایتدکلری خانہ سی ، اوجانی ، الہ
حامیسی ، مقبرہ سی واردر . عائله یی تشکیل ایدن بالجله افراد رئیس لرینك امری تختنده
اوله رق مشترکاً اجرای مدافعه یه مجبوردرلر . آنلر عادتاً بر شخص حکمنده درلر .

روماده اولدینی یونانستانده دخی پدر عائله یه عائد بتون ولایتلری ذاتنده جمع ایدره
روماده ملك مشترك يالكز پدره عائد اولسی ، اساساً منافع عمومیه نك ممثلی بولمسنندره
بوؤسه هر یرده ملرد اولوب شوقدرکه مختلف شکلر تختنده جریان ایلشدر .

متعدد عائله لرك بر مقدار اراضی اوزرنده وعلى العاده بر بلدهده عینی حصارلرك زیر
حمایه سنده اشتراکله « دولت » تشکیل ایتمشدر . دولت ولایت عامه یی فعلاً الہ ایده جك
درجهده قوی اولمادینی مدتی عائله اصولی اولکی شدتندن بر مقدارینی ضایع ایتمکله
برابر دوام ایلشدر .

اوزون مدت دوام ایدن بودورده حقوق جزائییه ایکی عمده اوزرینه تشکیل ایتمشدرکه
برنجیسی عائله داخلنده انتظامك ادامه سی ، ایکنجیسی عائله خارجنده اجانبدن کله جك
تعرضلره قارشو مدافعه مشترکه اجرا سیدر . بوایکی حالده مقصد بر اولمادینی کبی طرز
معاملهده متفاوتدر .

کته لرك داخلنده افراد بینده ضررلر حتی سرقتلر وقوع بوله بیلور؛ چونکه اراضی
هر نه قدر مشترك اوله رق قلمش ایسهده اموال منقوله بالاستثنا ذی الیدلرینه عائد اولمشدر .
بو حالده طائفه پدری ضابطه حقوقی و بالنتیجه واسع برحق قضایی حائز اولور ، لکن
طائفه هیتنك رأیی آلدقن صکره بوصلا حیتی اجرا ایدر . پدر حیات و ممات حقنی دخی
حائز اولورسهده رئیس بولدینی کته یی ضعیف دوشورمك خوفندن ناشی بوصلا حیتی
فادراً استعمال ایدر . بوسیدن متهم علی الاکثر جزاسز قالور و خلقی ایچنده یشامقدمه
دوام ایدر . شوقدرکه قتل و هازنا کبی پك وخیم احوالده بالذات متهم کنیدیسی عائله سینه
ربط ایدن دوابطی کسر ایتش اولق صفتیله طائفه ایچندن طرد و تغریب اولتور .

اما خارجه قارشو « انتقام » قاعده سندن بشقه براساس موجود دكلدر و طائله نك بتون افراى متكافل اولدقلرندن قوتلى اولان طرفك حق حقوق جزائيه حالى آلور .

ايمدى ابتدائى حالده بولتان حقوق جزائيه ايكي عائله بيننده حربه منجر اولور ؛ لكن حرب برصورت حليه اولمايغندن اكر طرفيندن برينك بالكلية محويه نهايت بولمازسه البته آنلرى بر مصالحه سوق ايدر ، بينلرنده براتلاف حصوله كلهرك جزايي تعيين ايلر ؛ يعنى مدعى اولان عائليه مرتب ضررك معاداني و تعبيرديكرله اراقه ايديلن دمك بدلاني (ديتني) قرارلشددير . مهم جنايتي ساتون آلور و بوسورتله نفسيده صانون آلمش اولور .

ديتك مقداري چوق و قتلر ايكي طرف بيننده موجب مناقشه اوله رق قالمش ايسه ده نهايت اوده كندى كندينه تقرر ايلشدر . حتى ديتك عرف ايله ويا قانون ايله قرارلشديرلديني دوردن مقدم بيله طرفينجه اساس مسئله نك قبولندن صكره بالتراضى تعيين ايديلن برحكم ويا متوسط جانبدن تقرر اولمش اولسوده ملاحظه ايديله بيلور . بوندن طولاني طرفينك حریت مقاولاتنه خلل طاري اولمش دكلدر ؛ زيرا حكم ويا متوسطي تعيين ايدن واعطا ايده چكي قرارك اجراسنى يمين ايله تعهد ايله ين آنلردر .

مرحمتسز برصورتده مقابله بالضروري اعتياد ايتمش اولان كيمسeler ايچون اتلاف نه قدر مشكل اولورسه اولسون اسباب سائرده دن قطع نظر محاربات خصوصيه نك افراطى بيله نهايت بو محاربه لرى ناقابل تحمل برحاله كتورمشدر .

فى الحقيقه اشبو محاربه لر يالكز مهم ايله متضررى دكل بلكه علاقه دار بولتان ايكي كتله ني يكديكري نك عليه نه تسليح ايدردى . بر طائله نك بتون افراى يكديكري نك كرك لهلرينه و كرك عليهلرينه اولان امورده متكافل اولدقلرندن آنلرك هر برينه ايديلن ضرر ديكرلرينه ده سرايت ايدر و يالكز برينك جرمى جمله سنك جرمى حاله كيرردى .

چوق كچمكسزين بوايكي عده نك تطبيقى كسب خفت ايتدى . بر طرفدن مجرمك جرمى مقابلنده متضرر اولان طرفه ترك ايدلسى تعامل ، وكذا مجرمك عائله اراضيسنى تركه مجبور طوتلسى تعاملى جرمة اشتراك ايتمه مش اولان اقربانك مسؤوليتدن تخلصنه معاونت ايتدى . ديكر طرفدن منتقمك امدادينه دعوت ايديلن اقربانك عددى كيتديكه طار برداژه ايچنده تحديد ايدلدى . بوسورتله اول امرده انفعالى اولان يعنى جرمك

سراییدن تولد ایدن تکافل اورتادن قالدی. لکن، فعلی اولان یعنی مجرمی تعقیب مقصدینه مبتنی بولسان تکافل آندن زیاده دوام ایلدی؛ بونک ایزلری دخی (دراقون) لک قتلہ دائر قاتونده مشاهده ایدلمکده در.

قبل المیلاد طقوزنجی عصر دن اعتباراً یونانستانده مهم بر تحول حصوله کلدی. «جهنس» لک اصله مستند اصولی بر طرفدن سیاستک، دیگر طرفدن دینک تأثیریه انحلاله یوز طوودی. عائله نک فوقده یکی بر قوت (دولت قوتی) ظهوره کلدی. وحشی قوت (انتقام) یرینه یواش یواش جنایت و عقوبت حقنده کی فکر اخلاقی قائم اولدی. اثر خطا و غیر اختیاری اولان افعال آرتق جنایت عد ایدلمز اولدی. مع ذلک اراقه ایدیلن دم آنی اراقه ایتش اولان کیمسه ایچون دائماً برلکه اولدیغدن بر کفارت ایله تطهیر ایدلمسی و دمک هدر ایدلمه سی ایجاب ایدیوردی. عائله ایچنده عدالتک عمیق بر صورتده تعدیلی ایچون یالکز بوفکر کافی ایدی. آرتق عائله کندی افراندن برینک ارتکاب ایتدیک جنایت حقنده اغماض عین ایده مبرودی؛ عائله عدالت الهیه بی نظراعتبارہ المغه مجبور ایدی. دیگر طرفدن قرابت رابطہ سی کوشه یور، حسن انتقام اسکی قوتی ضایع ایدیور، جنایت دولته و جمعیت مدینه نک هیئت عمومیه سنه نسبتله متضررک جهنسه دها آرز ضرر ایراث ایتش عد اولئیور. بوجه ایله چوق کچمکسزین حقوق جزاییه دولتک الده بولئیور، اوده جهنسه خلف اوله رق کندی نامنه و محکمه لری معرفتیه اجرای عدالت ایدیور.

متممک زوجہ سی، چوجقارینی و اقاربی هر درلو تعقیبدن تخلص ایدن یالکز «عرف» دکلدی. جزانک شخصیت و فردیت قانون مدون دخی اعلان ایتشدی. اخیراً «اولیب» ده کشف ایدیلن بر کتابه بونوعدن بر حکمی طائیور.

بوصورتله اول امرده اشخاصی تکافل تحتہ وضع ایدن جهنسک مسؤولیت مشترکه سی اورتادن قالدی. اموالی تعهد الله صوقان مسؤولیت دخی ازاله ایدلدی. قاعده اموال و بالخاصه ملک حقیقی اولان مسکن عائله یه عائد ایدی و عائله نک هیچ بر اعضاسی منفرداً آندن بر حصه طلب ایده مز ایدی. بوحالده شخصاً بر جزای نقدی ایله محکوم اولان اولاد ایچون بدرینک وفاتیلہ املا کده کی شیوعک انقطاعنه انتظاراً نفسی جرمی مقابلنده ترک ایتک و آنک نتیجه سی اوله رق فعال بر «سرف» لکه تابع اولمق می ایجاب ایده جک

ایدی؟ بویوله کی دوشونجه لر طائله نك، شخصاً بر جزای نقدی به محكوم اولان هر فردی طرفندن شركت ك افصاخی و تقسیمده كندوسنه كله جك حصه ارنیه نك بوجه پشین تسلیمی طلب ایدیله بیله جگنی قبوله سوق ایتمشدر. «آرغوس» ده و «غورتین» ده بوكا مشابه بر قاعده موجود ایدی. بوقاعده - قبل المیلاد بشنجه عصره منسوب اولدینی آكلاشیلان - غورتین قانونیه یكیدن ادخال ایدلمش اولموب بلکه تأیید و تقریر ایدلمشدر. بعدما متهم اولان عضو ایچون بتون عائله تأدییه مجبوریتیه تابع اولیه جق، دیگر طرفندن مدیون شركتدن حصه سنی اخذ ایتزدن اول وفات ایتش اولسه دخی داین مدعی دائما حقنی استیفا ایدم جكددر. بوحال و جائبك ورثه یه ناقابل توارث اولسی قاعده سنده آچیلان ایلك رخنه در. داین رهن اوله رق بر حیات و یامتوفی مدیونك ذمتنه دائما مالك ایدی و مدیونه كن حصه ارنیه به وضع ید ایچون یالكز محكمه حضورنده آنك تسلیمنی طلب ایتمی لازم كلور ایدی. بو طریق «غورتین» قانونیه آچیلمشدر.

عائله نك تكافانی الغایه دیگر ایکی مؤسسه ده معاونت ایتمشدر كه؛ بری «مبارزه عدلیه» دیگر «قسامه اصولی» در. بونلر حقیقی اظهار و حاكمك قرارینی احضار مقصدینه مبتنی اصول محاكمه قواعدنددر. بونلرك نتیجه ضروریه سی «انتقام» ك تطبیقی تحدید ایتك و طائله نك تكافله صرف بر قیمت حقوقیه اعطاسی صورتیه آتی تحویل ایلك ایدی.

بوحرکتی - قبل المیلاد یدنجی عصر ك مبادیسند آتنیه ویرلمش اولان - «درافون قانونلری» احداث دكل بلکه تقریر و تنظیم ایتمشدر. لکن بوقانونلرك یالكز بر قسمی زمانمزه قدر واصل اوله بیلمشدر. «غلوچ» تدقیقات عمیقّه ایله آنلری اكاله جالشوركه حاصل اولان نتیجه شودر: اولاً «انتقام» حق ابعداقربانك مساونتیه اقرب اقربا زمره سنه مودوع بر تعقیب عدلییه تحویل ایتمشدر. ثانیاً جرم تعمدی ایله جرم غیر تعمدی و یا خطابینی تفریق ایدیله رك برنجینك محاكمه سی «آره ثوباژ» مجلسنه ایکنجینك تدقیقی «نه فت» لره تودیع ایدلمشدر. ثالثاً جمله سنك فوقده اوله رق جنائی محكومیتلك شخصیتی قبول ایدلمشدر. آرتق مدعیلك اتصافی آنجق مصالحه ایچون و متهمك مملكتنه عودتنه مساعدده ایدن عفو ایچون مطلوبدر.

سولون طرفندن اكال ایدیلن اصلاحات تشریعیه درافون قانونتی ادامه ایله برابر دهامهم اثرلر میدانم كتورمشدر.

والحاصل چ، نسك انفساخی طبیعت مصلحت ایجابیله حصوله کلمشدر . دولتک ترقیاتی امنیت عمومی نی تزید ایدرک عائله تراکاتی دها آاز نافع قلیور ومشترک بر مسکنده اقامتک محاذیری آاز زمانده محسوس اولیور . سولونک قانونلری هپ بومقصده میال اولدینی آکلاشامقده در . ازجمله سربستی تصرف ، قادینلره وغیرم شروع چوجقلره حق وراثت ویرلمی ، «ایکله» دینلن وارثه بکانه نك ازدواجنی تسهیل ایچون متخذ تداییر ایلك جه نسلره ایراث ایدیلن رخنه لردر .

اقدار ابوت ، چوجقلرینی صائمق صلاحیتی ، بورچ ایچون کرک مدیونک شخصه وکرک زوجیه سیله چوجقلرینه تطبیق ایدیلن کوله لك کبی عائله مناسباتی تنظیم ایدن قوانین حقنده دخی بومطالعہ درمیان ایدیله بیلور . حریت فردیه یی حمایه ایدن بتون بو تداییر اسکی تکافل قاعده سی هدم ایتمکده ایدی .

مع هذا تداییر مذکوره اوقدر حائر اهمیت اولیوب تکافل قاعده سنه ایندیریلن الک بیوک ضربه هرکس ایچون دولت محاکمی حضورنده دعوی عمومی (ضرافی) اقامه سی صلاحیتی بخش ایدن دیگر بر قانون طرفندن ایقاع ایدلدی . بوسورتله جهنس مؤسسه سی مدافعه ایچون ضروری بر مؤسسه اولمقندن چیقدی و آندن صرف نظر ایدیله بیله جکی زماندن اعتباراً آرتق وجودینه سبب قالدیورایدی . عجبا سولون دعوی عمومی اقامه سی صلاحیتی عمومه بخش ایدرکن بوسالاحتی آنحق الک یقین اقریایه توجه ایدن (دراقون) قانونی تعدیل ایدیورمی ایدی؟ بوجهتک حلی مشکل اولسه کرکدر . لکن هیچ اولمازه «دیموستن» زماننده بو مسئله نك پک آاز فائده عملیه سی وار ایدی ؛ چونکه دراقون قانوننک توجه ایتدیکی دعوانک فقدانی حالنده هر شهری (هلیاستر) محاکمه سی حضورنده دعوی سیاسی (ایسانکلی یا) اقامه سی صلاحیتی حائر ایدی ؛ قتل مسائلنی جرائم سیاسیه میانته ادحال ایسه بر امر سهل ایدی .

«انتقام» ک عدالت اجتماعیه تحولی (دیت) اصولنده دخی نمایان اولیور . فی الاصل دیتک مقداری تراخی طرفین ایله تعین اولنور ایدی . الک اسکی قانونلرک وحقی احتمال که قانونلره تقدم ایدن عرقلرک بومسئله حقنده مجبوری تعرفه لر وضع ایتدیکی بالاده کورلمش ایدی . او وقتدن اعتباراً بونام ایله تأدییه ایدیلن مبلغدن بر قسمنی دولت استیفا ایتمکه باشلادی و متضرر اولان طرف متباقیسی ایله اکتفایه مجبور اولدی . بو تقسیم ،

ایلروده دولت طرفندن طلب ایدیلن جزای نقدی ایله حاکم طرفندن تحدید و متضرر اولان طرفه تخصیص ایدیلن ضرر و زیانک صراحة تفریقه سوق ایتشدر .

سولون طرفندن جه نسلرک تعدیلی اکال اولنش و یالکز الفاسی قالمش ایدی . بوده « قلیسته » طرفندن اجرا ایدیلرک آنلری یالکز دین نقطه نظرندن ایقا ایتدی . فعلی تکافل آرتق برفورمولدن عبارت ایدی ، انفعالی تکافل ایسه یالکز بر قانون جدید موجبجه موجود اولوب اشبو قانون آتی مجرد کفر و اهانت مسائله اصدار ایدیلن محکومیتلر ایچون محافظه ایتش ایدی .

بعدهما دولت غالب و حاکم موقعنده بولنیور . ابتدالری آنک قارشوسنده بولنان موانع مؤخرآ قوتدن دوشیور ؛ حسیات دینه نک ، طاله فکرینک ، عنفاتک پک آز تأثیری قالیور . لکن الینوس عالمده یکی برغضر تولد ایدیور ؛ فیلسوفلر ، حکیملر ، شاعرلر و بالخاصه تراژیک شاعرلر اراده جزئییه ، قدر ، عدالت کبی بالجمله مسائل معنویه بی میدانیه چیقاریورلر ، عقوبتک صفتی تحری اولنیور ، مقصد مجرمی تربیه اولدینی بیان ایدیلیور ، ناقابل تلافی اولان ضرر واقعی تعمیر ایچون مجرم حقنده زجر استعمالی عبث ایله اشتغال عدایدیور . مع هذا بتون بوفکرلر مشوش برحاله بولنیور ، منطقی و صورت عمومیه ده قبول ایدلمش بر سیستم تشکیل ایتیورلر . بونکله برابر افکار مذکوره حقوق جنائییه صرف عقلی براساس اوزرینه تأسیسه مخصوص بر محیط حصوله کتوریورلر و بتون افکار منوره به انسانیت و شفقت حسلری نشر ایده رک سعی مذکوری حاضر لیورلر .

بوحسیات قوانین جدیدیه ایله میدان بروزه چیقمش دکلدر ؛ عرفده تحول حصوله کلدیکی زمان قانون عتیق هیچ اولمازسه اسماً موجود ایدی . از جمله « دراقون » قانونتجه قتلک تعقیبی مجنی علیک اقرب اقرباسنه مودوع قالمش و فقط اشبو تعقیب قانونینک یاننده قتلک جزاسنی استحصال ایچون دیگر واسطه لره داخل اولشدر . کرچه (غلوچ) تعقیب قانونینک اقرب اقربا طرفندن اهل ایدلدیکی زمان بیله « غرافی فونو » دعواسنک اقامه ایدیه بیلمش اولسنی قبول ایتیور ایسه ده جرم مشهود حالده جانیرک توقیفی تجویز ایدلمش بولندیغنی قبول ایدیور . دیگر طرفدن عادی بر مجرم اولیان قاتل جزادن تخیلیص کریبان ایده میوردی ؛ چونکه آکا قارشو وظیفه تعقیبی ایقا

ایتمین اقربا علیهنده دینسزک دعواسی (غرافی آسه وی یا) اقامه ایدیه بیلور ایدی .
والخاص لفویونک و (میداس) علیهنده کی مدافعه نامه سنده دیموستنک افادانه رغماً
(غرافی فونو) دعواسنک موجود اولادیفی فرض ایدلسه بیهل آسایش دولته تعلق
ایدن احوالده اهالی به ویرلش اولان (ایسانکلی یا) دعواسی بوقصانی اکیاله خدمت
ایتمش اوله جقدر ؟ آتیه لولرک بوقاعده فی بر معامله روزمره حالته کتوردکلری معلومدر .

بوندن بویه افراد عائله یکدیگریکنک افعالندن مسؤل اولیور و تکافل انفعالی
اورتادن قالیور ؟ یالکز بلده ویا معبود علیهنده ارتکاب ایدیلن جنایتلرده بوتکافل
صراحتاً ادامه ایدلمشدر . بودرلو احوالده مجرم ایله برلکده فروغنده جزا ایدلمک
لازم کلوردی . متنی (آندوسید) طرفندن محافظه ایدیلن (داموفانتوس) ک بر
امرنامه سی ۴۱۱ تاریخنده موقراسی اصولی هدم ایتمک تشبث ایله یکنیمسهر علیهنه
اعدام جزاسی وضع ایتدیکی حالده فروغنی علاوه ایلور وبوصورتله جزا صورت
قطعیته شخصی اولور . لکن اشبو امرنامه دینه تعلق ایدن جنایات مستثنی اولق
اوزره یالکز جنایات سیاسییه عائد بولنور .

اعدام جزاسی کی ابتدائی نفی اید (آتمی) جزاسی ایله حقوق سیاسیهدن محرومیت
درجه سنه تنزیل ایدیلن آتمی جزاسی دخی جوق و قتل افراد عائلهیه سرایت ایدردی .
لکن بوراده بیهل (مجرد جزانک کینی اوله رق عوام محکمه سی طرفندن تعین اولندیفی
« ایسانکلی به » طریق فوق العاده سی ایله حرکت لروم کوریلن) احوال وخیمه مستثنی
اولق اوزره جزانک عائلهیه تشمیلی حقنده کی اسکی اصول ترک ایدلدی . آنجق
بسیط آتمی جزاسی دولته مدیون اولان کیمسهرک وارثلری علیهنده بر واسطه تضییق
اولق اوزره محافظه ایدلمشدر .

مصادره اموال . — آتیه حقوق جزائیهنسک علی الخصوص « مصادره » نقطه
نظرندن تدقیق ک فائده لیدر . اوقایدسک آرخونتلی زمانه یعنی قبل المیلاد ۴۰۳ تاریخنه
قدر مجرملرک بتون اموالی مصادره ایتمک هر محکومیتک نتیجه ضرورییه سی ایدی .
تاریخ مذکورده اعدامه محکوم اولانلرک مصادره اموالی آنجق معصومه اصابت ایدن
برجزا اولدیقه دقت ایدیه رک الفاولندی ویا لکز دولته مدیون اولان محکوملر حقنده
« استرداد اموال » ویا « ضرروزیان » عنوانیه وغائب ویا اجنبی اولان متهملر حقنده ده

برواسطه تضییق اولق اوزره ابقا ایدلدی . اما تغریب جزائی دأئما مصادره اموال ایله برلکده اجرا اولمش و سیاسی انتظامسز قلقلرك عدلی قاریشقلقلرك حکم سوردیکی دور مذکورده اهالی حاکمه اعدام جزالریله آچه تدارکنه پك زیاده خواهش کوستردیکندن بوانقلاب ستایج مسعوده تولید ایلشدر . اعدام جزاسنك حکومتیه هیچ برفأئده نقدیه ایراث ایتدیکی کوندن اعتباراً ده خفیف جزالره اکتفا ایدلشدر . شوجهتی ده قبول ایتك ایجاب ایدیورکه او قتلرك زیاده قابل اجرا اولان جزا جزاء نقدی ایدی ، چونکه حبس ایچون قارشولق یوق ایدی .

شوراسی ده شایان اشعاردرکه مصادره ایدیلن اموال دأئما دولته مال ایدلمزدی . علاقه داران طرفندن حیل و دسائس اعمالیه مفروض تبیلر میدان کتوردیکی کبی دأئما زوجه جهازینی و چو قتلر نفقه لرینی طلب ایده بیلورلر ایدی . یوسیدن بردفتر قسام یاییلوب ارباب حقوقك حق ایفا اولنور ایدی .

نتیجه . — (غلوچ) اثرینك نهایتده یونانستانك افکار دینی و فلسفیه سی اوزرینه مطالعات عمومیه یورو دیور و اخلاقی ، عدالتی ، اخوتی ، مکافات یونانیلرك نصل ادراك ایتدکلرینی و شخصیت بشریه یی نصل میدان چیقاردقلرینی کوستریبور . کرچه یونانیلر بوموضوعلر حقنده چوق شیلر سویلشلمسه ده بونلری وقایع تاریخیه نك تنویرینه خدمت ایده بیله جك حاکم برنظریه یه بالسهوله ارجاع ممکن اولمادیقندن بویابده تطویل مقالدن صرف نظر ایدر و یالکزر عائله مسئولیت مشترکه سنه قارشو یونانیلرك ام سائرهدن زیاده مجادله و حقوق جزائییه یی مسئولیت شخصیه یه ارجاعه معاونت ایتدکلرینی بیان ایله اکتفا ایلر .

تاریخ علم حقوق مدرسی

محمود اسمع

